

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Kantonalni štab civilne zaštite

Broj:18/01-44-1-06/10
Tuzla; 23.02.2010. godine

Na osnovu člana 22. Poslovnika o radu Kantonalnog štaba civilne zaštite, br. 01-44-787/04 od 27.05.2004.godine, Kantonalni štab civilne zaštite, na sjednici održanoj dana 23.02.2009.godine, u s
v a j a

IZVJEŠTAJ O RADU **Kantonalnog štaba civilne zaštite za 2009. godinu**

UVODNI DIO

Kantonalni štab civilne zaštite (u daljem tekstu: Kantonalni štab) osnovan je u skladu sa Odlukom o formiranju Kantonalnog štaba, kao stručno-operativnog tijela Tuzlanskog kantona („Službene novine TK-a“, broj: 4/04), sa pravima i obavezama rukovođenja akcijama zaštite i spašavanja na teritoriji Tuzlanskog kantona, te za obavljanje drugih poslova u zaštiti i spašavanju, u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, br. 39/03 i 22/06) i Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu („Službene novine TK-a“, broj: 10/08) i drugim propisima vezanim za njegovu nadležnost. Njegov sastav utvrđen Rješenjem o postavljenju komandanta, načelnika i članova Kantonalnog štaba, broj: 02/1-34-5923/07 od 19.12.2007. godine („Službene novine TK-a“, broj: 15/07).

Kantonalni štab obavlja poslove iz svoje nadležnosti samostalno i za svoj rad je odgovoran Vladi Kantona.

Kantonalni štab funkcioniše stalno, u slučaju kada Vlada Kantona proglasi nastanak prirodne ili druge nesreće u Tuzlanskom kantonu (u daljem tekstu: Kanton), a van toga po potrebi, odnosno kada razmatra stanje priprema, organizovanost, opremljenost i osposobljenost za zaštitu i spašavanje na području Kantona, predlaže mjere za dogradnju sistema i kada djeluje preventivno u cilju sprečavanja nastajanja prirodne i druge nesreće, te za vrijeme vježbi i drugih vidova obučavanja i osposobljavanja.

Kantonalni štab pruža pomoć općinama i kantonima u Federaciji BiH, kao i općinama u drugom entitetu, u slučaju prirodnih i drugih nesreća, na njihov poziv i u skladu sa zakonima.

Saglasno Odluci o formiranju Kantonalnog štaba, Kantonalna uprava civilne zaštite obavlja stručne, administrativne, tehničke i druge poslove, neophodne za njegov rad. Navedeni poslovi u 2009.godini obavljani su veoma profesionalno i u skladu sa potrebama Kantonalnog štaba.

AKTIVNOSTI

U izvještajnom periodu održano je 6 (šest) redovnih i 1 (jedna) svečana sjednica Kantonalnog štaba, na kojima su razmatrana pitanja iz njegove nadležnosti. Prisustvo članova štaba na sjednicama bilo je dobro i nije bilo neopravdanih izostanaka.

Na redovnim sjednicama Kantonalnog štaba razmatrana su slijedeća pitanja:

- a) Upoznavanje sa novim Zakonom o zaštiti i spašavanju ljudi i materijalnih dobara od prirodnih i drugih nesreća u Tuzlanskom kantonu ;
- b) Upoznavanje sa prijedlogom Programa razvoja zaštite i spašavanja ljudi i materijalnih dobara od prirodnih i drugih nesreća Tuzlanskog kantona za period 2008-2012. godina;
- c) Razmatranje Informacije o aktivnostima koje se vode po pitanju bruceloze, sa trenutnim stanjem na području Tuzlanskog kantona;
- d) Razmatranje Informacije o rezultatima Kantonalnog tima civilne zaštite za deminiranje i uklanjanje neeksplozivnih ubojitih sredstava za 2008. godinu na području Tuzlanskog kantona;
- e) Razmatranje Informacije o ostvarenim rezultatima na deminiranju i trajnom obilježavanju minskih polja u 2008. godini na području Tuzlanskog kantona;
- f) Razmatranje Informacije o sufinansiranju deminiranja u 2008. godini na području Tuzlanskog kantona;
- g) Razmatranje Lista prioriteta deminiranja i trajnog obilježavanja na području u 2009-oj godini na području Tuzlanskog kantona;
- h) Usvajanje Informacije o dodjeli pomoći općinama u saniranju šteta od klizišta i slijeganja terena u u 2008 godini na području Tuzlanskog kantona;
- i) Razmatranje Informacije o pripremljenosti za zimsko održavanje puteva u sezoni 2008/09. godina na području Tuzlanskog kantona;
 - Usvajanje Izvještaja o radu Kantonalnog štaba za 2008. godinu;
 - Usvajanje Plana rada Kantonalnog štaba za 2009. godinu;
 - Razmatranje prijedloga Programa rada za izradu Plana zaštite i spašavanja ljudi i materijalnih dobara od prirodnih i drugih nesreća Tuzlanskog kantona;
 - Usvajanje Izvještaja o prikupljanju, raspodjeli i korištenju sredstava posebne naknade za zaštitu od prirodnih i drugih nesreća u 2008. godini;
 - Usvajanje Programa obilježavanja 1. marta – Dana civilne zaštite;
 - Utvrđivanje Prijedloga za dodjelu priznanja i nagrada civilne zaštite za 2008. godinu;
 - Usvajanje prijedloga Programa jednodnevne obuke članova Kantonalnog štaba;
 - Razmatranje Odluke o kriterijumima za dodjelu pomoći općinama iz neutrošenih sredstava posebne naknade za zaštitu od prirodnih i drugih nesreća;
 - Razmatranje Plana utroška sredstava posebne naknade za zaštitu od prirodnih i drugih nesreća u 2009. godini;
 - Razmatranje Izvještaja o potrošnji sredstava posebne naknade za zaštitu od prirodnih i drugih nesreća u 2008-oj godini;
 - Upoznavanje sa Preporukama Federalne uprave civilne zaštite za poduzimanje preventivnih mjera zaštite od požara i sprečavanje požara na otvorenom prostoru;
 - Usvajanje Izvještaja o radu Kantonalnog štaba za period I-VIII 2009. godine;
 - Davanje saglasnosti na dodjelu pomoći općinama iz neutrošenih sredstava posebne naknade za zaštitu od prirodnih i drugih nesreća;

- Razmatranje Informacije o stanju zaraznih bolesti kod ljudi i životinja na području Tuzlanskog kantona;
- Razmatranje Izvještaja o stanju bruceloze na području Tuzlanskog kantona, dosadašnjim aktivnostima i prijedlogom mjera;
- Razmatranje Informacije o aktuelnoj epidemiološkoj situaciji na području Tuzlanskog kantona u vezi influence tipa A (gripe H1N1);
- Ocjena statusnih pitanja vezanih za Kantonalni štab i zahtjevi prema Vladi Kantona ;

Vanredna sjednica Kantonalnog štaba održana je u povodu 1. marta – Dana civilne zaštite, na kojoj je izvršena dodjela priznanja istaknutim pojedincima i organizacijama za doprinos u razvoju zaštite i spašavanja na području Tuzlanskog kantona.

O svim materijalima, koji su bili na dnevnom redu sjednica Kantonalnog štaba, vođena je kvalitetna rasprava i donijeti zaključci, među kojima se izdvajaju:

- zahtjev za ubrzanje aktivnosti na stavljanju u funkciju jedne od spalionica, koje je nabavila Federalna uprava civilne zaštite, na području Tuzlanskog kantona, zbog velikog broja zaraženih životinja brucelozom;
- zahtjev prema Kriznom štabu i Ministarstvu poljoprivrede, vodoprivrede i šumarstva da dostave detaljnu informaciju o brucelozi i aktivnostima koje su vođene i sada se vode na području Tuzlanskog kantona;
- zahtjev prema svim nadležnim subjektima za maksimalnu mobilnost po pitanju bruceloze u narednom periodu;
- usvajanje prijedloga Odluke o kriterijumima za dodjelu pomoći općinama iz neutrošenih sredstava posebne naknade za zaštitu od prirodnih i drugih nesreća;
- davanje mišljenja na prijedlog Plana utroška sredstava posebne naknade za zaštitu od prirodnih i drugih nesreća u 2009. godini;
- zatraženo od Općinskih štabova civilne zaštite održavanje sjednica, sa preporukom da donesu zaključke kojima će precizirati sve neophodne preventivne mjere zaštite i sprečavanja požara na otvorenom prostoru i preventivne mjere zaštite od poplava, u cilju što veće eliminacije uslova za njihovo djelovanje u proljetno-ljetnoj sezoni u 2009. godini;
- zatraženo od ministarstava, Kantonalne uprave za šumarstvo, JP „Šume Tuzlanskog kantona“ Kladanj, Kantonalne uprave za inspeksijske poslove, Direkcije cesta Tuzlanskog kantona i JP „Spreča“ Tuzla da poduzmu sve neophodne preventivne mjere zaštite i sprečavanja požara na otvorenom prostoru i preventivne mjere zaštite od poplava, kako bi se u što većoj mjeri eliminisali uslovi za njihovo nastajanje;
- zatraženo od Vlade Kantona da preispita svoje zaključke o mjerama štedenja u odnosu na Kantonalni štab, zbog specifičnog statusa, poslova i zadataka, te zakonske regulative koja propisuje njegovo formiranje, zadatke i status;
- zatraženo od Vlade Kantona da se izjasni o stručnoj Informaciji o stanju bruceloze na području Tuzlanskog kantona, dosadašnjim aktivnostima i prijedlogom mjera;
- zatraženo od Ureda za veterinarstvo BiH da pokrene aktivnosti za izradu Strategije borbe protiv bruceloze u BiH;
- zatraženo od općina da pod hitno odrede lokacije za stočna groblja i animalni otpad i ista, u saradnji sa Ministarstvom poljoprivrede, vodoprivrede i šumarstva, stave u funkciju.

Kantonalni štab civilne zaštite nije u izvještajnom periodu donosio naredbe, jer nije bilo proglašenja stanja prirodne ili druge nesreće na nivou kantona i nije bilo potrebe za tim.

NEREALIZIRANO U ODNOSU NA PLAN

U odnosu na Plan rada za 2009.godinu, nisu realizirane planirane aktivnosti:

- nije obavljena obuka svih članova Kantonalnog štaba, a posebno novoimenovanih;
- izostalo je prisustvo članova Kantonalnog štaba kursevima, seminarima, savjetovanjima i simpozijima, koji se održavaju u zemlji i inostranstvu;
- izostale su pokazne vježbe na nivou Federacije BiH;
- nije izvršena probna mobilizacija jednog općinskog štaba civilne zaštite u organizaciji Kantonalnog štaba;

KOMANDANT ŠTABA

Sead Mujanović